

RUT - - Bible en Akaselem

RÚUTI WÁÁ TÁKÁRÍDÁ

Rúuti

Rúuti

Rúuti

Tákáridá wa lolóó

Rúuti

Lemín ye

Ñwéé mputígá

Rúuti Lémin góreni ti saati waa bicugúli ka la kpami Isirayéeli wáá zamáa ye. Dá tám máa, Isirayéeli tínke bo bíbwéebi la kpa, amá Mwáátáa la lebe binyii bumonti zamáa pooni naa bi kpa úwáa zamáa. Bí má ní ba yi íle naa bicugúli.

Tákárida nɔwɔ mii dɛe úpɛ wa ná sá Yahúúdí káa kpɛni Mwáátáa wáá zamáa nyiiwu ye. Yí bó ni ílemí dɛtanɛi neɛde ɛka nyitii nɛalí dɛe Rúuti Moháabi dɔŋu bisé káa jini úbá kí náŋaani úcɛ wáá zamáa ní Isirayéeli wáá Mwáátáa ye bo. Tákáridá má mii dɛe dɛa fereɛ dɛwáa íjɔyári ye : kí fii ni mbusú úbúrigáa waa pooni Rúuti ni ucapo Nahomii káa bi dɛ ye, salam-salam Mwáátáa cani bi dɛa kóré kari dɛwondɛi ni mmwááni. Ílemí neɛyi mii dɛe binyii káa bání tá íjá ni Mwáátáa íjá pári ye. Rúuti japwa wáá mmaa nsa ílemí neɛyi waa dɛgbe : íjá mwaa úbú má dɛa kpɛni úbwáyáa Dáwóda tíkpé. Ú dɛ Dáwóda tíkpélém ciiga, Rúuti Moháabi dɔŋu bisé kpe ukaán ba ma háli bi dɛa ma Yeésu ciiga.

1

Elimeléeki ni úwáa íyáali póote Moháabi

¹ Zamaáni waa bicugúli káa kpa ni Isirayéeli wáá ndó ye, muko mbá ɛka la kóni ndó pooni. Újá ubá wá sá Béétlthéem wáá kídbii ka dɛ Yuudáa pooni nyiiwu ɛka pooti, u ni upó ni újapwalumi bilé. Bí coo ti kari Moháabi wáá ndó pooni. ² Újá má ní ba la yi naa Elimeléeki, upó yidi nsa Nahomii ni újapwalumi wáá áyi nsa Mahlón ni Kiliyón. Bi

la sá Efiraatáa Béétulhéemi, Yúúḍa yowu wáá kúgé tubi. Bi la fóó Moháabi wáá ndóní ní kɪ bii kóté karí líbó ḍáání. ³ Ní Elimeléeki, Nahoomii ce, ijka kpe kɪ canɪ u ni újápwalumi bilé bámba. ⁴ Ḍa ka ḍée ní úwáá ímwɔjá ijka gba bípɪ Moháabi ḍɔŋu wáá ábise : bi yi ubá náá Hórɪpa, ní kɪ yi wa ké ye naa Rúuti. Bi karɪ líbó ḍée ábé pwí. ⁵ Ḍá bɔ́óní Mahılón ni Kiiliyón, bii kókó bilé mété ijka kpe, ní ḍa ke Nahoomii bámbá, úcé kpá ní bíyáá kpá.

Rúuti ḍe Nahoomii Béétulhéemi

⁶ Nwu mbá, Moháabi wáá ndóní, Nahoomii ijka ḡú náá Tíḍáá yá úwátíí íjɔɔ kɪ pé bi tísatɪ wáá tíjégáá. Líbó ni wá kpíru kí bii fii Moháabi wáá ndó u ni úbúpólómɪ bilé. ⁷ U fii ḍɪtentere ḍaa pooni báa karí u ni úbúpólómɪ bilé má, ní ba gba ake kɪ bii góre Yuuḍáa wáá ndóní. ⁸ Amá Nahoomii ijka wée úbúpólómɪ naa : «Wáánɪmɪ co maá, báanɪ ḡmá ḡgóre kí tɪ karí únyí gbeni. N mée náá Tíḍáá nyá ní íjɔɔ ḍée naá yá kɪ tee nícélémi báa la ḍé mifeeni ye ni ímmé mété ye, ⁹ Tíḍáá ínpá nícííḡá báanɪ úlá újá, waa cénḍe pooni u bii ká kúpɔɔɔmɪ ye, ú mwé.» Ní wá léé bi. Ní ábúpólómɪ ka wáá kɪmɔɔ ní kí wii. ¹⁰ Ní ba soó wu naa : «Aayí tɪ ni si íbii góre síwátíí gbeni.» ¹¹ Amá Nahoomii ijka kpée wée náá : «Góre máa mbísélémi, batu bó ní na laá ní ḍe mi? N bii kpée fété maa bíyáá bíjá ba bii kpéni nícélémi ye? ¹² Góre maá, mbísélémi, có maá, ḍoómi n kú pó séséé ka kɪ kpée mwé. Ní báanɪ n bi wée náá n kpe tamáa, "n bii fétéé mwé kúnyéé nɔ́nku mánja; n bii maa bíyáá bíjá", ¹³ Ní bii fété Yí bó kɪ baaní ḍée, háli bi bé? Yí bó ni bii yí káá kpée mwé? Aayí, mbísélémi. Ḍoómi ínwáá ínyíímóm wéété kɪ pó níyówu, Tíḍáá nde njifere».

¹⁴ Ní ábúpólómɪ ka kpée wáá kɪmɔɔ kí wii. Ḍakɔkɔrɔwu, Hórɪpa ijka léé ucapo ni kí pooti. Amá Rúuti wíí yíí ḍípootírí kɪ canɪ ucapo. ¹⁵ Ní Nahoomii ka soó Rúuti naa : «Kpaá síbúpó kú góre úwátíí gbeni, ni úwáá ícii yaa wáa yáá bɔwutá ye gbeni. Yá ḍée wíí, góre síwáá» ¹⁶ Amá Rúuti ijka kíí wu naa : «Ta póre mí ípwáá náá n póóté sigbeni, náá ḡgóre ínwáá, ḍoómi ínaa í pá náá n bii co, ní ína í bii ḍɔɔ náá, n bii ḍɔɔ; síwátíí bii sáá ínwátíí ní síwáá Mwáátáá bii sáa ínwáá Mwáátáá; ¹⁷ Nnaa áa bii kpó ye n bii kpó líbó, ní líbó ni ba bii sí mi. N pooníni Tíḍáá ú fere mi kɪ lété fere mi, ḍaa sá náá múkú n bii bú náá mi ní si ciiga.»

¹⁸ Nahoomii káa ká náá Rúuti lu nyágá náá u bii ḍé wu ye, ní wa póni ḡmére. ¹⁹ Ní ba gba ake bii bilé háli kɪ tɪ fóó Béetulhéemi. Bíwáá ḍífóórí, canɪ ḍa cigi ndó. Bípíí ijka barú ta náá : Nahoomii ní ḍa lafu sá? ²⁰ Ní Nahoomii ijka kíí bi naa : tá tí yíí maá mí

naa Nahoomíi "wa dɛ́ ńmwaáa ni ye", yíi maá mu naa Máára "wa dɛ́ ńcókó ni ye", dɔómi Tíqáá tíbwétɛ́raáa canu báanu batu pwaa ni mu. ²¹ N la pá ńle ńjálí gbé, Tíqáá canu ńgórɛní ńjálí ńjɛmé, batu bó ní na kpée yii mu naa Nahoomíi? Ɖa ké náá Tíqáá Tíbwétɛ́raáa ku nlemín, ní kí yá mu ya ná ya ye.

²² Ɖée ńnaa ni Nahoomíi ńka górɛní ni Moháabu wáá ńdó u ni ńbúpó Rúuti, Moháabu dónu bísé. Bí la fóóní sáatu waa báa cíbí amóbí ńaa báa yi naa ńɔriji ye^a.

2

Rúuti co dɛ́kúndɛ́ Boháazu wáá kúsaanu

¹ Nahoomíi ce Elimeléeki la kpe unyibúu ńbá, bi yi wu naa Boháazu. U la sá unyii wa kpe ńrízikí ye, bi la pe gírímá. ² ńwu ńubá Rúuti Moháabu dónu bísé ńka soó ucau Nahoomíi naa : «Pá mu ńse, ńmeé sí, ka ńcókó kúsa kubání ku kúm amóbí ńaa bícílí káa fée bíbókóni ye. ń bí ká unyii wa bí ńmókó ńceceéj ye ku caní ńde ńbókóni ku kúm ye.» Ní Nahoomíi ńka kí wu naa : «coní mbísé.» ³ Ní Rúuti ka su pooti dɛ́kúndɛ́ kúsa kubá pooni, bícílí bókóni. Ní ɔa peé yá ńyiimwáá náá kúsa má sá Boháazu Elimeléeki nyibúu yɔku.

⁴ Ɖáa kóte ye, Boháazu ńka nyéni Béétɛ́lɛ́hɛ́emí ku fóóní ni ku dókó bícílí naa : «Tíqáá ńdée ni gbeni». Ní bí ńka kí wu naa : «Tíqáá ńjɛ sí alibárka». ⁵ Ní Boháazu ńka baru ńwáá bícílí wáá ukpé naa : «ńmá ńsé úpé ńɔwu?» ⁶ Ní bícílí wáá úkpé ka kí wu naa : «Úpé ucaa waa ni Nahoomíi nyéni Moháabu dónu ye ní.» ⁷ U baru mu naa ń caní ń kúm bícílí bókóni. Ɖókó wáa fóóní kúcańkpíni ye, dábó ní wa lu dɛ́ háli wáánímu, waá barí womi. ⁸ Ní Boháazu ka soó Rúuti naa : «ńmókó ńwáá ńsée ta co tí kúm kúsa kubá pooni dábám ni ńle, ye ńle ku kúm suni ńwáá bípí bítóoyálí ⁹ Kpaá kúláńjɛ́mɛ́ dɛ́tɛ́tɛ́ere ɔaa báa kí cí ye ka kí de bípí ba cíbí ye. Bée náá ń kí yí ni ńwáá bítóoyálí bíjá naa bi ta jɛe sí. Múnyúuko bá náá sí í có kí nyó kúle ni múnyúu maa ńwáá bítóoyálí káa lúúni ye.» ¹⁰ Ní Rúuti ka gbaa háli ku jɛe dɛ́yigbáa ni kítí ni ku baru Boháazu naa : «Batu bó ní a yáa mu ńjɔ dɛ́e. Ní kí ńú nceceéj ńme wa sá ucaa ye.» ¹¹ Boháazu ńka kí wu naa : «Bi tanu mu dɛ́e yáa kókó áa yá ku tee scapo dɔo sí cé kúm, ń nyí náá ń canu síńáa ni sínyí ni ńdó ńwaa pooni báa ma sí ye ku ɔa náá í karí binyii baa á ná la nyí ye ciiga. ¹² ń meé

^a1.22 ńɔriji sa dɛ́e kpónó yómu wáá amóbí ńaa báa yi naa Blée ye, amá ńí wáá kpónó ka ya ku fókó Blée yɔu wu

náá Tíḍáá níferεε si yíi neéyi kókó bó. Eén, Tíḍáá, Israyéeli wáá Mwáátáá, níferεε si ki létée ferεesi, ḍoómi wíi ní a sínii kó.»¹³ Ní Rúuti ka kíi wu naa : «Úkpé í tínú ya ki tee mi kóláánmé, ki púúníi mi ípwwáá ni ki lóloo ípwooku som, ḍa ké náá ma barí cuni síwáá bípíi bitóoyáíi cíigá ubá.»¹⁴ Diwonḍi saati, Boháazi ḥka soó Rúuti naa : «Ḍá tí jé tíjégáá, gbá kpónó ki sée wu tíkpéní.» Rúuti ḥka kari bitóoyáíi gbeni ni Boháazi ka pé wu ábí akenígá ní wá ḥmó ḍée waa laá ye ni ḍaké.¹⁵ Sáati waa wáa tó ḍjjeríi ni wa fii kí bíi sḥḥḥḥ ḍíkúndi ye, Boháazi ḥka tee mará úwáá bitóoyáíi náá bí caní wu ó kúm ábwá ḥaa ba na láá cḥḥii ye ciiga, ní ubá ní ta yíi ni wu.¹⁶ Lee maá ábwá pooni ayi ḥibá ki caní ḥi kítíi ka ó tḥḥ; ní ta yíi maá ni wu.¹⁷ Ḍée ní Rúuti ka kúm Boháazi wáá kúsaani háli kújóóbó, ní wa bwaa taa wáa kúm ye ki fúú ḍa gbé fḥḥḥḥ utakpé.¹⁸ Ní ki gba ki ku ḥḍóní, ni ki míni ucapo káa kókó wáa kúm ye. Ní wa lee taa wáa jí kí ké ye ki tee ucapo.¹⁹ Ucapo ḥka baru wu naa : «Lambó ní a kúm ḍílemi? Kúsaani kulá pooni ni a yá ḍítóó ḍílemi? N meé náá Tíḍáá íbóté wa ḥú siceceéḥ ye, kí kíi náá í kúm úwáá kúsaani ye.» Rúuti ḥka wée náá : «Unyii waa wáa kúsaani máa kúm ye bi yi wu naa Boháazi.»²⁰ Ní Nahoomíi ḥka soó úbúpó náá : «Ní ká náá Tíḍáá lu mii ti úwáá ḍilaari ḍitakpéríḍi tumi mifeeraani ni bíkpíi bó. U bóté unyii má.» Ní wa kpée wée náá : «Boháazi má sá tḥḥḥḥ wáa kúnuyibúu ní. U sá binyii ba bíi kpaá ti bó ye ciiga ubá.»²¹ Ní Rúuti ka kpée wée náá : «U soó mí mánja naa, ní sḥḥḥḥ ni ḍíkúndi úwáá bitóoyáíi bóóní háli bí tí cí kí tó.»²² Ní Nahoomíi ḥka soó úbúpó Rúuti naa : «Ḍa yám, íbísé, sḥḥḥḥ ni ḍítóó si ni Boháazi wáa bitóoyáíi bípíi. I co maá ubá wáa kúsaani ni, ḍa bíi fété yá náá bí náasu si.»²³ Rúuti ḥka ye Boháazi wáa bitóoyáíi bípíi gbeni ki ḍenḡii bi kí kúm, háli ámóbí ḥaa báa yi naa ḥḥḥḥ ní bilée ḍícírí ní ti tó. U lu ḍé ucapo wáa.

3

Rúuti ḍḥ Boháazi natán pḥ

¹ Nwú ḥubá Nahoomíi ḥka soó Rúuti naa : «íbísé, n tínu laa ní bḥḥ si hiiye cénḍe ḍjḥḥḥḥḍi ka ḍá yaḥ kí teé sí.»² Ḍée áa nyí ye, Boháazi wa caní si ni úwáá bitóoyáíi bípíi yá ḍítóó ye sá tḥḥḥḥ wáa kúnuyibúu ní. Ḍa ké náá kujóóbó nḥḥku u bíi coo ti bwaa ḥḥḥḥ úwáá ámóbí bwaari tentεeri pooni.³ Ḍée bo, fe, pi síbá tulaarú, kí fú síwáá kúfúgáá kwa ya ye, kí co líbó. Amá ta caní u ká náá í ḍé líbó háli u tó ḍjjeríi ni ḍḥḥḥ. ⁴ U yaa ti ḍḥḥ náá í kpaá ḍitenteeri ḍaa pooni wáa bíi ḍḥḥ ye, yíi bóóní í cuni wu ki ḍáati úwáá kúcólḥḥ kúcígáá pḥmí ní kí ḍḥḥ unatán pḥ. Yíi bóóní u bíi kesεε si ḍée áa bíi yá ye.⁵ Ní

Rúuti ñka kíí naa : «Ñ bíí yá yaa kókó áa wéé mi ye.»

⁶ Rúuti ñka co ámóbí bwaari tentæeri má pooni ki yá déé yaa kókó ucapo káa soó wu ye nóó. ⁷ Boháazi ñka jí ki nyú ða sòmí upolòoku. Ní wa tí ðo ðíbwá gbeni. Rúuti ñka ðá salamí bo ki ðááti kúcólóó kúci gaa pómí unatán ní ki ðo líbó.

⁸ Kótábúútígáá Boháazi ñka jége ki feni ki kpéni ubá ní ki ká úpé ubá káa ðó unatán pòó ye. ⁹ Ní wá baru naa «Ñsá ñmá?» Ní wa kíí wu naa : «Ñsá míme Rúuti síwáá útóoyáí, ñ ðáa kó sí, kíí kí gbá mí ñ dé sigbeni, ðoómi í sá ncoo wa kpe íko naa ú gbá mí kí kpaá ñ bo ye.» ¹⁰ Boháazi ñka wéé náá : «Ñ meé náá Tíðáá ñbóté sí, mbísé. Yaa áa yá wáánímí ye mii síwáá ðílaari ðitakpérédí sɛcapo ni sɛcootubi bo ða kpée poó yaa áa yá ða póóte ye, ðoómi a bɔɔ si ni ímwajá íkoraami náá biceceeli wáá ðílaari.

¹¹ Wáánímí, mbísé ta ñmó tínángá. Yaa kókó áa bíí wéé ye n bíí yá ki teé sí. Doómi tíwáá báani ñmá nyí náá í sá úpé gírímá yowu. ¹² Wáánímí ða sá íjá náá ñsá sɛcoo wa kpe íko naa ú gbá sí ki kpaá síbó ye, amá minyibúu ubá kpée dé ki cuni sícé, ki kpe ðá wáá íko ða po míme. ¹³ Ðoo íle. Felemi kúcánkpííní ti kpaá náá u bíí kíí náá ki gbá sí kí kpaá síbó. U kíí náá, ða ya, waá kíí náá, n poonií ni si Tíðáá mufæeraa naa ñ bíí yá kaa ðaa baruí náá ñ yá ki teé sí. Kótéé ðo ðáání háli kóputi.»

¹⁴ Rúuti ñka ðo Boháazi natán pòó, amá, ní wa fii asusubáa sáati waa bá ná bíí fétéé béé unyii ye. Íjá mwa Boháazi ká la laá naa bí béé náá úpé má co líbó. ¹⁵ Ní wa soó wu naa : «Læ síwáá kúcólóó páá yòkò kí ba ku kúláánmé.» Ní wa ba ku kúláánmé ni Boháazi ñka maatu sóriji dée ogúwemí biloobe ní kí tó Rúuti wáá kúcólóó pooni ní kí cúni wu. Yíí bóóní Boháazi ñka góréni ñdóní. ¹⁶ Ní Rúuti ñka ku ucapo wáá, Nahoomíi ñka baru wu naa : «Læ-læ ní ða yání, mbísé?» Ní wa tañ wu ya kókó újá má káa yá ki tee wu ye. ¹⁷ Wáa tañ dée kí tó ye ní wa kóte naa : «U pé mí sóriji ogúwemí biloobe ðoómi u wéé mi náá : "Áá kpe íjálí ñmémé sɛcapo wáá"». ¹⁸ Nahoomíi ñka wéé náá : «Karí íle, ta jégé, mbísé háli ki yáá ti ká dée ílemí má káa bíí póní ni ye. Boháazi polòoku káá sòmí wáá yá náá ílemí ma ðílemi.»

4

Boháazi ðá Elimeléeki wáá kúsaa ní ki gba Rúuti

¹ Boháazi la coo ti kari ñdó wáá ðíkónḍi fémi, ínaa baa cugu ílemí ye^b. Kúnyibúu waa

^b4.1 Bíí wáá sáati, líbó ni ba cugu ílemí

Boháazi káa la keese Rúuti ye ɲka dǎa gétée. Boháazi ɲka wée wu naa : «Minyibúu, yoré, dǎa kari ɲle» ni wa yóre ní kí dǎa kari. ² Ní Boháazi ɲka lee ɲdó pooni wáa bíkpélébi pwí ní ki wée bi naa : «kari maá ɲle.» Ni ba kari. ³ Ní wa soó Elimeléeki úkpíí nyibúu wa kpée cu ni wu ye naa : «Nahomíi wa nyení ni Moháabi dǎonu ki górení ye, nyébé kúsa kwá sá tinyibúu Elimeléeki yǎku ye. ⁴ Ní ma ká náá dǎa bény naa ní lóloo ni si ka kí soó sí ba ka ɲle ye ni ɲdó wáa bíkpélébi neɲbe nyimíní naa í dǎa ku. ǲsá náá náá í bíi laa náá, bi caní ni si, áá laa náá náá bí caní ni si í soó mí ka ní bée yi. Ubá kpá dǎabám ni ísé wa kpe dǎa wáa íko ye; síbǎóní ni íme ɲka pááníí.» Ní kúnyibúu má ɲka kíí náá : «N bíi fété dǎa kúsa máa.» ⁵ Ní Boháazi ka kpée wée náá : «ǲwu ɲwaa áa bíi dǎa Nahomíi gbeni kúsa má ye, í bíi peé gbá Rúuti Moháabi dǎonu bísé, úpíípo má dée sípo ye, ká kúsa má ɲye úcé úkpíí wáa kúnyibúu pooni.» ⁶ Unyii má ɲka kíí náá : «ǲa sá náá dée máá tí kíí, dǎóomi dǎa bíi batí ɲwáá bíyáá wáa tíbí. Dée bo póníí yá yíi yaa máa bíi yá ye, máá fété.»

⁷ Doo ye Israyéeli tubi wáa taáda pooni, ubá laa náá náá ú góre dǎa amáana waa wáa la nyébe ye, náá yambá dǎikpéndi binyii ciiga pooni, ubá la lebé dǎnataari ki teé útówu, yíi neéyi la mii naa bi lóloo ki ɲu ni ta. ⁸ Yíi bó ní sáati waa unyii má káa soó Boháazi naa : «Póníí dǎa kúsa má!» Ní wa lee unataari ki tee Boháazi. ⁹ Ni Boháazi ka soó bíkpélébi ni ba kǎkǎ dǎe líbó náá : «Gbá dǎilemi ní sá sériyaraami naa ní dǎa kaa kǎkǎ dǎe Nahomíi gbeni ki sá Elimeléeki ni úwáá bíyáá Kiliyón ní Mahalón wáa tíbí ye. ¹⁰ N bíi gbá Rúuti Moháabi dǎonu bísé Mahalón wáa úpíípo mété dée ɲpo ye. Dé ɲnaa ní kúsa ɲka bíi ye úkpíí Mahalón wátíi cíigá, ní ka ú kperé bíyáá ka úyíídi ɲta gbéní unyibíbi ciiga ni ɲdǎbíti lemíɲ pooni mété. Ní sá yíi neéyi mété wáa seriyáraami, dǎilemi.»

¹¹ Bíkpélébi ni baa kǎkǎ la dǎe líbó ye ɲka kíí náá : «Één tí kíí, tí sa sériyaraami. Ní tu meé náá Tídǎá ɲboté úpé wa kǎ sicénde pooni ye, ú dée dǎe Rasíla ní Léya, Yaakúbu pííbi ba ma ka dǎa ma Israyéeli tuti ye. Síwáá áríziki ɲwomí Efrátáa wáa kúgéné, ní síyíídi ɲkpíí Béétulhéemi kǎkǎ pooni. ¹² Tídǎá ɲpási bíyáá dǎawomi dǎa nyení úpé ɲówo gbeni ka síwáá zamáa ɲdée dǎe Péreezi yowu ye, waa Tamáari káa ma ni Yúúdáa ye.»

Obéedí wáa ɲmaa, ǲawúda tíkpé

¹³ Ní Boháazi ka gba Rúuti ní wa kpéni úpo, ní ba yoosii. Tídǎá bóte Rúuti ni wa fǎo dǎipoo, ní ki ma úbú újá. ¹⁴ Ni Béétulhéemi wáa bípíi ka soó Nahomíi naa : «ǲínyónǎi kí teé Tídǎá! ǲilemi u cant bi ma wa bíi kpaá si ye. Ti meé náá síbúu yaa búu ɲkpéní unyii úkpée Israyéeli pooni! ¹⁵ U bíi caní í bíi kpée jé tǎbísátí, kí pére síbó síwáá típóntí

pooni. Síbúpó kpé si anfaaní ki po ajapwalımı bilolé. Doómi u laá sí, ní ki ma si úbú ójá.»¹⁶ Nahomíi íka gba úbú ní ki páá wu úbémi ní ki ca wu.¹⁷ Bípíi ba cuni wu ye íka pé wu díyíi kí gí náá : «bi ma Nahomíi úbú ójá,» ni ki yíi wu naa Obéedí, Obéedí ma lsáayi ní lsáayi ma Đáwóđa.

Đáwóđa tíkpélémi wáá áyí

¹⁸Đáwóđa tíkpélémi wáá áyí, peé gbá Peréesi so : Peréesi ma Herisóoni.¹⁹ Herisóoni ma Ráami, ní Ráami ka ma Aminadáabi.²⁰ Aminadáabi ma Naasóoni, ní Naasóoni ka ma Salumáa.²¹ Salumáa ma Boháazi, ní Boháazi ka ma Obéedí.²² Obéedí ma lsáayi, ní lsáayi ka ma Đáwóđa.